



Broj: 06/3-50-1-76-24/11

Sarajevo 09.06.2011. godine

ZAPISNIK

24. sjednice Odbora za žalbe građana Parlamentarne skupštine Bosne i Hercegovine, održane 08.06.2011. godine

Dvadesetčetvrtu sjednicu Odbora za žalbe građana Parlamentarne skupštine BiH sazvaio je predsjednik Odbora, Mate Miletić.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Danica Berić, Hamida Karčić, Marijan Milićević - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Sjednici, iz opravdanih razloga, nije prisustvovao Ermin Pešto.

Sjednici su, također, prisustvovali: Rasim Ređo - Granična policija BiH, Ramiz Škulj – Državna agencija za istrage i zaštitu, Zoran Savić – Direkcija za koordinaciju policijskih tijela, Fatima Miletić - Policijska misija Evropske unije, te Zoran Brkić - Parlamentarna skupština BiH.

Sjednica Odbora počela je u 11 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 23. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavki na rad pripadnika Granične policije BiH (izvjestioci: Mate Miletić; Hamida Karčić);
3. Razmatranje predstavke na rad pripadnika Državne agencije za istrage i zaštitu (izvjestilac: Danica Berić);
4. Razmatranje predstavke na rad pripadnika Direkcije za koordinaciju policijskih tijela (izvjestilac: Marijan Milićević);
5. Tekuća pitanja.

Imajući u vidu broj dostavljenih predstavki od svake agencije, članovi Odbora odlučili su promijeniti utvrđeni raspored, te prije svega razmatrati predstavku Direkcije za koordinaciju policijskih tijela, potom predstavku Državne agencije za istrage i zaštitu, te na kraju predstavke koje je Odboru dostavila Granična policija BiH. Uz ovu izmjenu, *Dnevni red je jednoglasno usvojen.*

Ad.1. Usvajanje zapisnika sa 23. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 23. sjednice.

Ad.2. Razmatranje predstavke na rad pripadnika Direkcije za koordinaciju policijskih tijela (izvjestilac: Marijan Milićević)

Marijan Milićević, izvjestilac po predavci, je u kratkim crtama podsjetio članove Odbora na sadržaj predstavke broj: *06/3-50-1-76-19B/11 od 17.01.2011. godine*, te ih je upoznao sa Izvještajem Direkcije za koordinaciju policijskih tijela. Članovi Odbora su, po okončanju diskusije o ovoj predavci, *jednoglasno odlučili* da prihvate dostavljeni Izvještaj nadležne agencije, te zaključili da će se predmet ponovno razmotriti u slučaju da Tužilaštvo BiH dostavi nove informacije.

Ad.3. Razmatranje predstavke na rad pripadnika Državne agencije za istrage i zaštitu (izvjestilac: Danica Berić)

Predstavnik Državne agencije za istrage i zaštitu, g. Škulj, prezentirao je članovima Odbora predstavku i Izvještaj Agencije o predavci broj: *05/2-50-1-76-21-3/11 od 15.03.2011. godine*. Imajući u vidu sve okolnosti, članovi Odbora su, na prijedlog izvjestioca, gđe. Berić, *jednoglasno zaključili* da je predmetna predstavka *neosnovana*.

Ad.4. Razmatranje predstavki na rad pripadnika Granične policije BiH (izvjestioci: Mate Miletić; Hamida Karčić)

Mate Miletić je upoznao članove Odbora sa detaljima predstavke, te Izvještaja o predavci broj: *05/2-50-1-76-23-5/11 od 22.04.2011. godine*. Uzimajući u obzir sve okolnosti, članovi Odbora *jednoglasno* su odlučili da *prihvaćaju Izvještaj* Granične policije, kojim se predstavka ocjenjuje kao *neosnovana*. Istovremeno su, međutim, članovi Odbora donijeli zaključak da je neophodno uputiti dopis menadžmentu Granične policije BiH o potrebi dodatnog obučavanja službenika agencije u oblasti stranih jezika, prvenstveno engleskog jezika.

Hamida Karčić prezentirala je članovima Odbora predstavku broj: *05/2-50-1-76-24/11 od 26.05.2011. godine*. Nakon što su članovi Odbora saslušali sve detalje predstavke, te na sjednici dostavljenog Preliminarnog izvještaja o predavci, *jednoglasno su odlučili dodatno razmotriti* sve dostavljene dokumente, te se o predavci izjasniti na narednoj sjednici.

Ad.5. Tekuća pitanja

1. Razmatranje predstavke broj: 05/2-50-1-76-23-1/11 od 04.04.2011. godine

*Mate Miletić je upoznao članove Odbora sa sadržajem dostavljene predstavke. Uzimajući u obzir da se predstavka ne odnosi na pripadnike policijskih agencija BiH, Odbor za žalbe građana nije nadležan da dostavljenu predstavku razmatra. Međutim, članovi Odbora *jednoglasno su odlučili da predstavku dostave nadležnom organu na dalje postupanje.**

Sjednica Odbora za žalbe građana završena je u 13:00 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić